

۱ ایلول ۱۳۲۷

نوسرو ۳۰

آدرمس :

IDJTIHAD

Constantinople

اوچنجی سنه

ایجتihad




آدرمس :

اجتهاد ادارهخانهسی :

شهر امانی قارندینده داشرة
مخصوصه در .

سنه ۴۰ آبونه بدلی ، نسخہسی
۲ غروشد در .

آیده ایکی دفعه نشر ایدیلیر اقتصادی ، اجتماعی ، ادبی ، مجموعه



مدحت پاشا حالا طائفده

شهید معظم علمدار مصطفی پاشانک
ایستانبوله نقل عظامی، بانا بیر دوشونجه
ویردی: شهید اعظم مدحت پاشا حالا
طائفده باشسز یاتیور. ذی حیات مدحت پاشای
استبداد طائفه نفی، طائفده قتل ایتشدی. شیمدی
هر زمان دن داها زیاده شدت وعظمتله زنده بولونان
عینی مدحت پاشانک بقایای عظامی حریت، حالا طائفده
براقیور! طائف ایستانبول دن داها بویوک قالیور.
قالسین: اوده بیر قطعه وطن در. فقط ایستانبول فضله
کوچوک اولیور. وطنک قلبی ایستانبولدر. مدحت
پاشانک روحی قلب منور ملتده یاشایور، مدحت پاشانک
جسدی ده قلب وطنده یاتمالی در. حریت ابدیه تپسی
مدحت پاشانک داها بویوک، داها معظم بر شهید مؤبد
احتوا ایتیه جک در. حریت ابدیه تپسی و اونک کشور
خاموشنده یوکسه لن روحلر:

« وجدانی بوتون عدل ایله، انصاف ایله مهتر،

ظالملر ایچین غیظ مقدسله مجهز. »

اولان مدحت پاشانک جلال عزمنی و جبروت مرحمتی
تهلیل ایدرلر.

اسلیان نظیف، بصره ده، منورذ کالرك کوستردیکلری
آتشین علاقهدارلقلره استناد شهید اعظمک هیکلنی رکز
ایتدیرمک ووطنداشلاک، آدم اولدورن، ملت اولدورن،
جهان اولدورن غفلته قوتلی بیر دیرسک وورماق وبوایشی
یعنی غفلت وجهله دیرسک وورماق ایشنی بعدما او هیکل
مقدسه تودیع ایتک ایسته مشدی. غفلت، مسکنت،
تعصب جاهلانه، بوتون جیش ظلمت وتکفیریه، سلیمان

نظیفک پیش اخلاصنه چیقدی. مدحت پاشانک هیکلی
دیکلمه دی. فقط مدحت پاشانک هیکلنی رکز ایتیه
تشبث ایتدیکی ایچین نامنه هیکل رکز ایدیلک حق اونا
قازاندریلدی. بن آتی بی کورو یورم: مدحت پاشانک
هیکلی هر ولایت مرکز مرکز المعتنا میداننده مرکوزدر،
(کیزلی فغانلر) شاعری، او هیکلک بیر طرفنده، متواضع
تقدیسکار برسیای اخلاص ایله، قارداشی فائق علی نک:

سن اوله دک اصلا... قوجه بر قوم یتیمی
بر موت محققدن آلوب قورتاران اولاز.
.....

ای یادی بوتون ملتیه برقبهء تحدیث،
ای هیکل وجدان که اساطیره قاتیلیمش.
ای نامی - مظالمه اوتوز ییل قاتیلیمش -
میلیونجه آغرلرده بو کون لفظه تقدیس!
شعرلرینی اوقویور.

آتی.. ظلمتک دکل، نورکدر:

« ان الله نور السموات والارض »

بن، عیان ومنور کورو یورم، ماورای مات وظلمتده
نه قدار حیات، نه قدار نور کورو یورم!

فی ۲۶ اغستوس ۱۳۲۷

عبدالله جودت

ژاپون چوجقلری

۱ — برکوچوک چوجق معنا بر بویوک انسان دیمکدر.

ژاپونیا ده، اقصای شرقک او مدنی کوشه جکنده بو
کون دنیا یه کلن چوجقلر کره ارض اوزه رنده اک
مسعود چوجقلدر دینلسه سزادر. ژاپونیا ده ایلاک
دنیا یه کلن بر نوزاد ایله، اونوزادک والدینی آرهنده